



26. ՀՈՐԹԱՐԱԾԻ ՀԵՔԻԱԹ

Կէղնի շէղնի, վախտի մեկին մի մարդ, մի կնիկ կէղնի: Էս մարդն ու կնիկը շատ աղքատ են էղնում: Մեկ տղա կունենան: Մեկ էրկու, իրեք տարի կանցնի, մարդը կը մեռնի կը մնա մերն ու տղեն: Տղան որ քիչըմ մեծնում է ամեն տարի դեղի հորթաւթաթյուն կանի:

Մեկ օր էլ հորթերը քշում դուզն է տանում, տեսնում է, որ արևի տակ մի բան փելփում է, էրթում աշում է որ մի խըտուտիկ դշի բմբուլ, վերցնում աշում է, որ էտ բմբուլի սիրունությունը մարդու խելքն է տանում: Էլ չի դմշում որ քցե, իրիկուն հետը բերում տուն, տալում է մորը ու ասում է.— Ատե՛, էս բմբուլը դուզը գտա, էսոր սիրունության համար վերցրի բերի տուն, առ պահիր, համա, ուրիշ մարդու ցուց չտաս:

Մերն էլ է զարմանում էտ բմբուլի սիրունության վրա, վերցնում դնում է էն կողմ, դուտկի վրեն:

Իրիկուն որ մութը տալում է, ճրագի ժամանակ, մերն ու տղեն տեսնում են, որ բմբուլը ճրագի պես վառվում է, մթան լուս է տալում:

— Ատե, էս մեզի լավ էղավ, հազիր մենք քասիբ մարդ, ճրագ չենք կունա ամեն օր վառել, էս բմբուլը ճրագի տեղ մեզի լուս կ'տա, աստված խեղճ եկավ մեզի: Ամա՛ էլի քեզի կասեմ, որ մարդու բան չասես:

— Ես յաղո՞ւզ եմ հալղին ասում, անջախ աստված մեզ տվեց:

Մի վախտ կ'անցնի, էտ երկրի թագավոր իրա լալի հետ թար-դիա-ղլըղ ելնում է իր երկրի մեջ ման գալու: Գալում հասնում են էտ գեղը: Չ'գիտեմ մոնց կէղնի բիրգան կ'մտնին հորթըճու տուն, կա-շեն որ մի սիրուն խրտվուն ղշի բմբուլ ղրված է պատի ծակը:

Թագավոր ասում է լալին.— էսենց էլ սիրուն ղշի բմբուլ, լա'-լա, մարդու խելքն է տանում, աշապ շե՞ն ծախում, հարցնենք:

— Թագավոր ողջ լինի, դու ընձի լսե, մոնց որ կ'ասեն առ: էգ բմբուլը մեզ ժամանակին պետք գութա:

Լալեն վերցնում ասում է հորթըճու մորը.— Քալե, դու քասիր մարդ եք, էդ բմբուլը ի՞նչ պիտի անեք, ծախեք մեզի, ձեզի բավա-կան օսկի կտանք: Հարուր օսկի կտամ էդ բմբուլին:

Հարուր օսկու անուն որ պառաւլը լսում է ոտները գետնից կտըր-վում է:

— Տո՛ւր,— ասում է,— դավրեշ բաբա հարուր օսկի, ծա-խում եմ:

Թագավորն ու լալեն առան բմբուլն ու դուրս էկան գեղից:

Իրկուն տղեն գալում է տուն, աշում է որ բմբուլը չկա: Կոսե, մորը.— Ատե, ո՛ւր է բմբուլը:

Մերն ասում է.— էրկու դավրեշ էկան, տեսան, հարուր օսկու ծախեցի դավրեշներին:

— Ատե՛, դու ի՞նչ բեգ ինսան ես, ես քեզի շասի, թե էտ բմբու-լը դու զայ շանես: Դու իմ գլխիս մի փորձանք պիտի բերես, լավ իմանաս, որ դու իմ գլուխը ծախեցիր:

Թագավորն ու լալեն մե վախտ ման էկան երկրի մեջ, դարձան էկան թագավորի քաղաքը:

Մի օր լալեն կոսե թագավորին.— Թագավոր սաղ էղնի. էս բմ-բուլը որ էսքան սիրուն է՝ մութը տեղը լուս է տալում՝ հապա որ ըս-տոր ղուշը ձեռք բերես, մո՞նց լուս պիտե՛ր տա:

— Լալա՛, լավ կոսես,— ամա, վե՛վ գիտե էստոր ղշի տեղ, որ վով էրթա բերե: Թող էստուր ղուշը բերող էղնի, ի՞նչ ուզի կտամ, իր կշռնոտով օսկի:

— Թագավոր սաղ էղնի, էս բմբուլ գտնողից ղալրի օնշով չի կարա ըստուր ղուշը բերել: Թե բերեց հորթըճին կը բերե՝ թե չէ օն-շով չի կարա բերել:

էգսի առավոտ թագավոր մարդ է ճամբում հորթըճուն կանչելու: Թագավորի մարդը էրթում գտնում է հորթըճուն ու ասում.— Թագա-վոր քեզի հուզում է:

Հորթրճին մոլորում մնում է, ասում է.— Թագավոր ինձի ինչ է պանշում. ես մի հորթրճի մոնց էլնիմ թագավորի երես:

Ասում է, ամա ի՞նչ կարա անել, էլնում էրթում է թագավորի մոտ:

Թագավորը տղին որ տեսնում է, ասում է.— Ա՛յ տղա, ես քեզի փանշել եմ, որ դու էրթաս էս բմբուլի ղուշը գտնիս բերես:

— Թագավոր ապրած կենա, ես մի քասիր հորթարած, ես ամո՞նց էրթամ էտ բմբուլի ղուշը գտնիմ բերեմ, ես ի՞նչ գիտեմ էդ ղշի տեղ:

— Յաղո՛ւզ դու էս բմբուլը կարաս բերել ու ղշին շես կարալ: էտ իմ բանս չէ, մոնց բերում ես բեր, ես քեզնից ղուշն եմ ուզում, չըբերես գլուխդ կը զարնեմ:

— Թագավոր ապրած կենա, ես հորթերը տարել էի դուզը արածելու, բիրդան գտա էտ բմբուլը, տեսա որ սիրուն, խետվուն բմբուլ է վերցի բերի տուն: Ես ի՞նչ իմանամ թե ո՞րդից էր էկել ընկել էտ տեղ:

Լալեն վերցնում ասում է.— Անկարելի բան է տղա, թագավորի հրամանը գետին չի ընկներ, անձեն գնա ղուշը գտիր բեր, թե չէ գլուխդ կէրթա:

Տղան նիաթներ կախած դառավ էկավ տուն: Մերր տեսավ որ տղեն էնենց է շահրեն թթվեցրել, որ լուն ընկնի երեսից հազար թիքա կլինի:

— Տղա՛, օրթի, ինչի՞ ես շահրեթ կախել, չլինի՞ մի գեշ բան է պատահել քեզի:

— Հա՛յ մեր, աստուծ քու բալետ տա, դու իմ գլուխը ծախեցիր: Ես քեզ շասի որ էտ անտեը բմբուլը դուա շհանես: Դու իմ խոսքը չլսեցիր ելար ծախեցիր դարվիշներին: Դարվիշները մեր թագավորն ու իրա Լալեն են եղել: Հիմա թագավոր դրել է իմ վրեն թե. «էս բմբուլի ղուշը, հ՛ուրդի որ ըլլի պիտի որ գտնիս բերես»: Ես հիմի շվարել եմ, թե մոնց էրթամ, որդից գտնիմ բերեմ, որ թագավոր իմ գլուխը չը զարնե:

— Դե որ էտենց է օրգի, էլ շվտրելը փարա չի անում: Գնա՛ հորողբորդ մոտ, հարցու, էն քեզի մի խելք կը սորվեցնե:

Տղան էլնում էրթում է հորողբոր մոտ, ասում է.— Հորողբե՛ր, էսպես մի փորձանք է անցել իմ գլխով. ի՞նչ անեմ: Մի օր ես հորթերը տարել էի դուզը, էտ տեղ մի խետուն ղշի բմբուլ գտա, վերցրի տարա տուն: էգ բմբուլը մթան ճրագի պես լուս էր տալում, մորս ասի թե, քա, լավ էղավ, հաղը մենք քասիր ենք, ճրագի ձեթ շենք

կրնա գնել, էս բմբուլը մեզի ճրագի տեղ լուս կ'տա: էլ որ մարդու բան շասես: Մի օր էլ իրիկուն էկա տուն որ բմբուլը չ'կա, էնոր տեղ ճրագ է վառում: Ասի, քա', ո՞ւր է բմբուլը, որ ճրագ ես վառում: Ասավ. «Օրթի էրկու դարվիշ էկան, տեսան, հարուր օսկի տվեցին, ես էլ վերցի տվի էնոնց»: Քիչմը հորստտա, էլ ի՞նչ օգուտ, բանը անցել էր: Դու մի ասեր էտ դարվիշները թագավորն ու իրա լալեն են եղած: Հիմի ինձ կանչել են, որ որտից կ'ըլլի, ըլլի էտ բմբուլի ղուշը գտնիմ, բերեմ, թե չէ գլուխս կը զարնեն: Հիմի դու գիտես, հորողբեր ինձի մո՞նց պիտի պրծացնես էս փորձանքից:

— Դե՛հ, որ էտենց է,— ասում է հորողբերը,— գնա թագավորին ըսե, թե. «Քու ձիանու մեշ մի հատ իրեք տարեկան լավ թայրմ կա, էն թայ տուր ինձի, ես էրթամ ղուշը բերեմ»: Թայ որ կ'առնես, դառի արի իմ մոտ ես քեզի կոսիմ, թե ինչ կոնես:

Տղեն դառնում էրթում է թագավորի մոտ ու ասում է. — Թագավոր ապրած կենա, քու ձիաներու մեշ մի իրեք տարեկան թայրմ կա, էն թայը կ'տաս, ղուշը կարամ բերել, չիս տա, չեմ կարալ:

Թագավորը կոսե. — Գնա, մտիր ձիանոցը, հավնածդ թայը ա՛ռ գնա՛:

Տղան էրթում ձիերու միշից շոկում է իրեք տարեկան թայը, դառնում գալում է հորողբոր մոտ:

— Բերի՛ր իմ ասած թայը,— ասում է հորողբերը:

— Բերի,— կոսե տղան:

— Տեսնո՞ւմ ես էն դիմացի շուխտ սարը, որ իրար օղշում են տալում: Ձին կը քշես կէրթաս էս կողմը մի մենժ ծառ կա, էն ծառի մոտ կիշնես, ձին լավ կը թիմրես, ղուլները լավ կը ժրես. սարը իրարուց բացվելու պես կը հեծնիս, էնպես ուժով ուզանկուլին կը զարնես, որ ձին կը թռնի, կ'անցի սարի էն էրեսը, հոն ձիուց կիշնիս, կը կապես ծառից, կէրթաս մեկ հ'էգի կա, հ'էգու կիսուն ծառքմ կա, էն ծառի վրեն ղուշը բուն է դրել: Ղուշը քնած կըլլի բնի մեշ: Գաղտուկ կելնես ծառի վրայեն կռնես ու հետ կը դառնաս: Քու հետևից կը բռնան, կը ճվան, թե. «Հողածին տարավ հրեղեն, բռնեք հա բռնեք», դու իսկի հետ չդառնաս, հետ դառար թե չէ քար կըլլնիս: էն սարերի էս կողմ էն կողմ դարաղուլներ կանգնած, կացըները հ'ոսեներին դրած, գիտես թե վրա են բերում քեզի զարնելու, դու հեշ էնոնց էրեսին մի աշեր, քո ձին անձեն քշիր անցի: Քեզի էտ ձին կը փախցընե, կազատես, ղուշն էլ կը բերես կ'ազատիս:

Հորթրճին ձին էյարեց, իրան հաց լան առավ, հեծավ ու քշեց դեպի սարերը: Գնաց, գնաց, շատ ու քիչ աստուծ գիտե, հասավ էն

Թառի մոտ: Իջավ ձիուց, ձին լավըմ թիմրեց, հաց կերավ դինջացավ,
 և ելավ ղոլները ժրեց, հեծավ հազիր կեցավ: Սարերը հետ գնացին թե-
 չէ, էնպես ուզանկին տվեց, որ ձիու կողերը յարա էղավ, թռավ ան-
 ցավ սարի էն էրեսը, իջավ ձիուց, կապեց ծառից, տեսավ մի սիրուն
 կանանչ հ'էգի, սիրուն-սիրուն ծառեր, ռանգ-ռանգ ծաղիկներ, տե-
 սակ-տեսակ ղշեր, ըրրուլներ, իսկ աղամի դրախտ: Էստոնք որ տղեն
 տեսավ, բերանը մնաց բաց: Գնաց մտավ հ'էգին, տեսավ հ'էգու կի-
 սուն հորողոր ասած մեծ ծառը, գողտուկ էլավ, ծառի վրայից բըռ-
 նեց ղշին՝ հետ դառավ, փախավ: Քար ու փետ լեզու էլավ: «Տա-
 րավ հա՛ տարավ, հողածին հրեղենին տարավ, բռնեք հա՛ բռնեք,
 զարկեք հա՛ զարկե՛ք», տղեն հետ չը դառավ: Հասավ ձիու մոտ,
 հեծավ ու փախավ: Սարի մոտն էլ զարաղուներ կացըներ բռնած
 ուզում էին վրա բերեն տղին, էն իսկի մտիկ շտվեց, քշեց ձին, ան-
 ցավ սարի էս կողմ: Հասավ ծառի մոտ, ձիուց իջավ, լավ դինջացավ,
 ձիուն թիմրեց, հաց կերավ, ելավ հեծավ, քշեց դեպի տուն:

Տղեն ղուշը տարավ տվեց թագավորին: Թագավոր շատ ուրա-
 խացավ:

Թագավոր կանչում է իր Լալին ու ասում.— Լալա՛ տար էս տղին
 մի հաբիկա օսկի տուր:

Լալեն տղին տանում է իր տուն, բերում հաբիկա օսկին վերց-
 նում է իրան, մեկ փարա է տալում տղին ու բերում նարդիվնի գըլ-
 խին, մեկ թագմիկ է տալում տղին, տղեն թանգիր-մանգիր գալում
 է նարդիվնի տակ, թևը կտորվում է: Ելնում փոռ փոշման էրթում է
 տուն, մորն ասում է.— Մեր, աստուծ քու բալեն տա, որ դու ընծի
 կրակը քցեցիր, էտքան չարչարանքից ու զահմաթից հետո թևս էլ
 կտորեցին, հախս էլ էս մեկ փարեն էղավ, առ պահե:

Մի քանի ժամանակ անցնում է, տղի թևը լավանում է, հ'ելնում
 իրա համար ման է գալում դես-դեն:

Օրըմ թագավոր կոսե Լալին.— Լալա, ծովի մեջ իրեք հատ հու-
 րի փերի աղջիկ կա, վե՛վ որ էրթա էն աղջիկներից մեկը ընծի բերե,
 իր կշռնոտով օսկի կը տամ:

— Թագավոր ապրած կենա,— կոսե Լալեն,— էն ղուշ բերող
 տղից ղայրի օնշով չի կարա բերել: Էն որ ղուշը բերեց, աղջիկն էլ
 կարա բերել:

Թագավոր մարդ է ճամբում հորթրճու հետևեն:

Հորթրճին գալում, թագավորի մոտ գլուխ է տալում, կանգ-
 նում է:

Թագավորը կոսե տղին.— Տղա՛, ծովի մեջ իրեք հատ հուրի-

փերի աղջիկ կա, կէրթաս, էնոնցեն մեկը ընծի կը բերես: Բերիր, քու կշռնոռով օսկի կը տամ, թե չը բերիր՝ գլուխդ կը զարնեմ:

Տղեն դառնում, գալում է տուն, մորն ասում է.— Մեր, աստուծ քու բախն տա, որ դու ինծի կրակը քրցեցիր: Հիմի էլ թագավոր կանչեր, ասում է. «Ծովի մեջ իրեք հատ աղջիկ կա, էնոնցեն մեկը ընծի բերիր՝ կը բերես, չբերիր՝ գլուխդ կը զարնեմ»:

— Դեհ, որ էտենց է, օրթի, աստուծն է մեզի էտ փորձանքի մեջ քցեր: Էլի գնա՝ հորողբորդ մոտ, էն քեզի կաղատե:

Տղեն հ'ելնում էրթում է հորողբոր մոտ ասում է.— Հորողբեր, գու գիտե՛ս, ընծի ազատիր: Թագավոր հիմի դրել է իմ վրեն, ասում է. «Գնա՛ ծովի մեջ իրեք աղջիկ կա, էնոնցեն մեկը ընծի բեր, թե չէ՝ գլուխդ կը զարկեմ»:

— Թե որ էտպես է կ'էրթաս թագավորին կոսես թե. «Լալեն իր փարով մեկ հատ օսկի գյամի պետք է ջինե, ինչքան որ քաղքին կնիկներ կան խաս-խաս շորեր հագնին, յոթ դաթ դահուլ զուռնա, բուրո լալի հաշվով, էրթանք ծովի մեջ շալղի անենք, պար բռնենք խաղանք, որ ծովի աղջկերքը դուս գան որ բռնեմ, բերեմ»: Էտից հետե դառի արի ինձ մոտ, ես նոր քեզի կասեմ, թե ինչիս կոնես:

Տղան դառնում էրթում է թագավորի մոտ, ասում է թագավորին.— Թագավոր ապրած կենա, լալին շինել կուտաս մի օսկե գյամի: Քաղքի մեջ ինչքան որ կնիկներ կան թոմարին խաս-խաս շորեր կռել՝ տա: Օխտ ձեռք էլ դահուլ, զուռնա բռնե. էտ թոմարը լալի փողով որ շ'իլնի, շի լիլնի: Կէրթանք ծովի մեջ, շալղի կոնենք, կնիկներ պար կը խաղան, աղջիկներ դուրս կելնեն, էն վախտ կը բռնեմ կը բերեմ:

Թագավորն ասում է.— Լալա՛, լավ լսեցի՞ր, գնա՛, վաղ էս վախտ էտ թոմար քեզեն հազիր կ'ուզեմ:

Լալեն գլուխ կախած, սև ու սուգ մտած էլնում էրթում է թագավորի թամբեհը կատարելու: շէգսի օր ամենը թամ-դրուս Լալեն հազրում է:

Տղեն գալում է հորողբոր մոտ, ասում է.— Թոմարները հազր է, հիմի ի՞նչըխ անեմ:

— Կառնես դահուլ զուռնեն, թոմար քաղքի կնկտիք, կէրթաս ծովի վրեն, էնտի շալիլ կտաս, կնկտիքն էլ պար կ'բռնեն, կը խաղան: Ծովի աղջկերք կ'իմանան դահուլ զուռնի ձեն, ծովից կելնեն դուքան ձեր հետ ինչունի իրկուն պար կը խաղան: Աղջկների էրկուսը կարգած, են պզդիկը ազապ է: Իրկուն էնոնք գուզեն հետ էրթան, դու

¹ Կարել (Մ. Բ.):

կասես. ռեբրողութուն, հ'ո՛ւր եք էրթում, հալա մենք ձեզի խալաթ պտի բերեինք, ամա մոռացանք, դուք էրկուսդ գնացեք, թող ձեր պզդիկ քուրը մնա ձեր խալաթները բերեա: Էնոնք կէրթան, պզդիկ քուրոջը կը թողնին ձեր մոտ, դուք կառնէք գութաք:

Տղեն հ'էգսի օր իր թոմարի սարքով ելավ գնաց դիպա ծով: Հասավ ծովի մեջ տեղ թե չէ, դահուլ զուռնեք բաշլացին շալղի անել, կնիկներն էլ պար բռնեցին ու խաղցան: Տղեն մեկ էլ տեսավ, որ ծովի միջից իրեք հատ հրեղեն, արևի պես սիրուն աղջիկներ էկան մտան պար ու սկսեցին խաղալ: Տղան վեր ելավ տեղից, աղջիկներին պատվեց, ինչունի իրիկուն խաղցան: Աղջկներ հ'ուղեցան էլի իրանց տեղը էրթալ: Տղեն ասում է.— Ներողութուն, դուք առանց խալաթի ո՛ւր եք էրթում: Դուք որ մեզի պատվեցիք, էկաք մեզ հետ պար խաղալու, մենք ձեզի հորե՞նց առանց խալաթի ճամբու գնեմք: Մենք որ գիտնայինք, թե դուք էլ եք դալում պար խաղալու, թագավորից ձեզ լավ-լավ խալաթներ կը բերեինք: Դուք էրկու մեծ քուրերդ որ էրթում եք, թող ձեր պզդիկ քուրը մնա, ձեր խալաթները բերի:

Ծովի աղջիկներ համոզվան, էրկուսը գնացին, մնաց ազապ քուրը: Տղեն գյամու գլուխը դառուց, քշեց էկավ հասավ քաղաք, աղջիկը բերեց տվեց թագավորին:

Թագավոր ծովի աղջկան որ տեսավ՝ խելքը գնաց: Լալին հրամայեց որ էրթա, տղին իրա կշռնոտով մեկ օսկի տա:

Լալեն առավ տղին, տարավ իր տունը, բերեց մի փարա տվեց ու նարդիվնի գլխից որ մի թագմիկ շտվե՞ց, տղեն թանգիր-մանգիր նարդիվնից ցած իջավ, մի կողքը կոտրավ:

— Դե՛հ, գնա քեֆ արա՛, իմ ծախսով օսկե գյամի շինել կտա՞ս, տարար իշթեք քու կշռնոտով օսկին, կերածդ անուշ էղնի:

Տղեն հ'ելնում գալում է տուն: Բերում մեկ փարեն տալում է մորը.— Առ էս փարեն պահե, մեկ օր պետք կգա: Աստուծ քու բալեն տա, որ դու ընծի կրակը չը քցեիր: Լալեն էս անգամ էլ հախիս տեղ կողքս կոտրեց:

Տղայի կողքը կապում են, լավանում է:

Թագավորը բանից խաբար չէ: Գիտե թե Լալեն տղի հախը տվել է: Հելնում էրթում է, որ աղջկան բերե, հետը պսակվի:

Աղջիկը ասում է.— Ինչունի իմ ձին էլ չբերես ես քեզ հետ պսակվողը չեմ, թե չէ քու թագավորութունը տակն ու վրա կանեմ:

Թագավոր էլի գալում է Լալի մոտ:

Լալեն ասում է.— Հորթարած տղան որ չը բերե ձին, էլ վո՞ւ կարա բերել:

Թագավոր էլի կանչել է տալում տղին ու ասում է.— Կէրթաս
ծովի միջից աղջկա ձին կը բերես, թե չէ գլուխդ զարնել կուտամ։
Տղան անճար ու շվար դառնում գալում է տուն։

Շատ է մտածում թե. ճես մոնց անեմ որ էս թագավորի ձեռքից
ազատվիմա։

— Ախ մե'ր, աստուծ քու բալեն տա, որ դու ընձի կրակը քցե-
ցիր ու շեմ կրնա ազատի։ Հիմի էլ թագավոր ասում է իլլահի պտի
էրթաս ծովի աղջկա ձին բերես։

Տղան էրթում է հորողոր մոտ.— Հորողոր, դու գիտես, ընձի
էս կրակից ազատե։ Թագավոր հիմի էլ ասում է. «Գնա աղջկա ձին
բերա։ Ես չգիտեմ թե մո'նց անեմ, որ թագավորի ձեռքից ազատվիմ։

— Ես գիտեմ օրթի, դու սոնղը իմ գլուխս էլ դուրս պտի տաս։
Դե'հ, բարի էտպես է, կէրթաս թագավորին կըսես քառսուն հատ օշ-
խըրի փոստ տա, սե ձութ, մեկ էլ ձիու գյամը, աղջկա ջանի վրեն է,
առ ու արի իմ մոտ։

Տղեն էրթում ասում է.— Թագավոր ապրած կենա, ինձի կը տաս
քառսուն հատ օշխրի փոստ, բավական սե ձութ ու մեկ էլ ձիու գյա-
մը աղջկա մոտն է, տվեք, էրթամ ձին բերեմ։

էրթում աղջկա մոտեն գյամը առնում բերում են, քառսուն օշ-
խըրի փոստ, մի խելի էլ սե ձութ տալում են տղին, տղեն առնում
գալում է հորողոր մոտ։ Տղան բերում քառսուն փոստն էլ ձթով
կպցնում է հորողոր լերթին ու էրթում են ծովի քանարը։

Հորողոր ասում է տղին.— Դու կառնես գյամը ու կը մտնես
քարի տակ, ես բարձր ձենով կը խրխնջամ, ձին խրխնջալով ծովից
դուրս կը գա, դու շտապոք քարի տկից դուրս կը գաս ու գյամը
կանցուս ձիու գլուխ։ Թե որ քիչ մը հ'ուշ տավրամիշ էզար, ձին ընձի
կտոր-կտոր կոնես։

Տղեն թաքնվում է քարի տակ, հորողոր մի երկու անգամ բար-
ձր խրխնջաց, տղեն տեսավ ծովը խառնվալ իրար։ Մեկ էլ որ խըր-
խընջաց, ձին գլուխը դուրս հանեց ջրից։ Հորողորը մեկ էլ որ խըր-
խընջաց, ձին դուրս ելավ ու բերան քցեց ըխտիարին, էն կողմեն
տղեն էլ մաճալ շտվեց, թռավ ու գյամը անցուց ձիու բերանը։ Ձին
վեր-վեր թռավ, դես քաշեց, դեն քաշեց չըկրցավ տղի ձեռքից ա-
զատվել։ Բռնեցին ձիուն բերին տուն։

Տղան ձին տարավ տվեց թագավորին։ Թագավորը լալին հրա-
մայեց, որ տղին իր կշռնատով մեկ օսկի տա։

Լալեն տարավ տղին, օսկին էլի իրան վերցուց, մեկ փարա
տվեց տղին, ու մի թագմիկ որ տվեց, տղեն նարդիվնից վեր ըն-

կավ, մեկ ոտը կոտրավ: Տղեն կաղալեն գնաց հասավ տուն: Մնղճի բերին ոտքը կապեց, լավացավ: Տղեն ելավ կամաց-կամաց ման էր գալում:

Ծովի աղջիկը, որ թագավոր բերել էր տված, շատ իմաստուն էր: Թագավոր ուզեց պսակվել, աղջիկը ասում է.— Դու անաստուծ մարդ ես, ես քեզ հետ ի՞նչըխ պսակվիմ:

Թագավոր ասում է.— Դու իմ ի՞նչ անաստուծթինը տեսար, որ ասում ես:

— Դու որ անաստված չըլլիս, էն տղան, որ քեզ էտղտար լավութուն արեց, դու էնոր ի՞նչ փեշքաշ տվիր:

Թագավոր զարմանում է.— Դու ի՞նչ ես ասում, ես ամեն անգամ մի մի խազնա օսկի եմ տված, մո՞նց թե բան չեմ տված:

— Էն լալեն, որ դու ամեն հեղին թամրիհ էիր անում թե. «Գնա օսկի տուր», ինքը էրթում օսկին իրան էր վերցնում, մեկ փարա էր տալում ու ամեն անգամ զարկում նարդիվնից ցած էր քցում: Մեկ անգամ թեն է կոտրած, մեկ անգամ կողքը, էս անգամ էլ ոտքը:

Թագավոր մարդ է զրկում տղի հետևից, տղեն բանը հասկանում է, առնում է մոր մոտեն էն իրեք փարեն ու էրթում է թագավորի դիվանը:

Թագավորն ասում է.— Ա՛յ տղա, ես որ լալին հրամայում էի, որ քեզի քու կշռնոտով մեկ օսկի տա, լալեն ի՞նչ էր տալում քեզ:

— Թագավոր ապրած կենա, լալեն ութայի անգամ էս մեկ փարեն տվեց իմ հախը, թագմիկով էլ տվեց նարդիվներից ցած քցեց, թեև կոտրեց: Մյուս անգամ էս մեկ փարեն տվեց, էլի քցեց կողքս կոտրեց: Վերջին անգամ էլի էս մեկ փարեն տվեց, էս անգամ էլ քցեց ոտքս կոտրվավ, չեք հավատում, տեսեք կոտրած տեղերը:— Ասում է ու իրեք փարեն էլ քցում է մեջ տեղը:

Թագավոր հրամայում է, որ լալի գլուխը զարնեն: Ինչքան որ հարստութուն ունի տան հորթարած տղին: Բազում փարա էլ ինքը տվեց, իրա լալի պաշտոն էլ էնոր տվեց, նոր գնաց պսակվավ:

Օխտն օր, օխտ գիշեր դահուլ զուռնա տվին խաղցան, կերան, խմին: Էնոնք հասան իրանց մուրազին, դուք էլ հասնիք ձեր մուրազին:

